



Nýr Landspítali staða framkvæmda og fréttir af verkefninu

- Borgarstjóri heimsækir Hringbrautarsvæðið
- 30.000 m³ steypuáfangna náð
- Uppsteypa meðferðarkjarna
- Jarðvinnu lokið í bílastæða – og tæknihúsinu
- Starfsmenn Landspítala í heimsókn
- Heimsókn starfsmanna Nýs Landspítala í sjúkrahóтелиð
- Aksturstakmarkanir á Fífilsgötu

Borgarstjóri heimsækir Hringbrautarsvæðið



Dagur B. Eggertsson, borgarstjóri, og Björn Axelsson, skipulagsfulltrúi, í heimsókn á Hringbraut

Borgarstjórinn í Reykjavík, Dagur B. Eggertsson og Björn Axelsson skipulagsfulltrúi Reykjavíkurborgar heimsóttu þann 29. nóvember starfssvæði Nýs Landspítala við Hringbraut, en Reykjavíkurborg hefur mjög reglulega á síðustu árum kynnt sér framgang verkefna NLSH og er einn af mikilvægu samstarfsaðilum NLSH um uppbygginguna við Hringbraut, sér um skipulagsmál, aðstöðu-, framkvæmda- og byggingarleyfi. Samstarf um skipulagsmál svo og við embætti byggingarfulltrúa er mjög mikið og reynt er að stuðla að þróunarverkefnum til að takast á við sífelldar áskoranir í jafn stóru verkefni og verkefni NLSH er.

Gunnar Svavarsson, framkvæmdastjóri kynnti stöðu dagsins ásamt stjórnarformanni NLSH, Finni Árnasyni og sviðsstjóra hönnunarsviðs Sigríði Sigurðardóttur.

30.000 m³ steypuáfanga náð




Haldið var upp á 30.000 m³ steypuáfanga

Þann 8. júní síðastliðinn var haldið upp á þann áfanga að búið var að leggja niður 20.000 m³ af steypu af um 55.000 m³ sem áætlað er í uppsteypu meðferðarkjarnans. 23. nóvember var aftur haldið upp á nýjan áfanga en þá var búið að leggja niður 30.000 m³ af steypu.

Af því tilefni var boðið upp hátíðarköku sem þakklætisvott til allra starfsmanna sem koma að verkinu á verkstað þ.e. verktakar, verkefirlit og verkkaupi.

Uppsteypa meðferðarkjarna



Hér er horft af 5. hæð stangar 1 í meðferðarkjarna til austurs yfir 3. hæð stangar 2. Austar eru stangir 3, 4 og 5 sem eru í vinnslu



Meðferðarkjarninn verður æ tignarlegri eftir því sem framkvæmdinni vindur fram

Helstu verkþættir sem nú eru í gangi við uppsteypuna eru við mótauppslátt, járnabendingu, eftirspennu og uppsteypu tengiganga.

„Eins og undanfarið er góður gangur í uppsteypu meðferðarkjarnans og var fyrsta gólfplata 5. hæðar í vesturhluta steipt í nóvember, sem þýðir að einungis er eftir að steypa eina hæð til að burðarvirkið sé fullreist í þessum hluta. Töluverðum áfanga var náð í lok nóvember þegar 30.000 m³ markið í steypuvinnu raungerðist, en með því er búið að leggja rúmlega helming af þeirri steypu, sem gert er ráð fyrir í meðferðarkjarnann. Uppsteypa tengiganga norðan meðferðarkjarnans er komin á fulla ferð eftir nokkurt hlé og verður sú vinna kláruð næsta misserið,“ segir Árni Kristjánsson staðarverkfræðingur Nýs Landspítala.

Jarðvinnu lokið í bílastæða – og tæknihúsinu



Verið er að steypa þrífalög fyrir bílastæða – og tæknihús

Vinna við jarðvinnu hefur gengið vel og þeim verkþætti lokið og efnið komið á þar til gerða móttökustaði.

„Við uppgroft í suðvestur horni hússins kom í ljós að klöpp féll brattar niður en á öðrum stöðum en verktaki hefur sýnt fram á lausn á þessu og vinna við þennan verkþátt er hafin. Unnið er samkvæmt verkáætlun í þrífalögum og hreinsun á klöpp og þeim verkþætti á að ljúka í byrjun desember á þessu ári. Dæling á jarðvatni er eins og búist var við og er dælt reglulega. Bergboltar hafa verið framleiddir og er stefnt að því að hefja boranir fyrir bergboltum fljótlega. Bílastæða- og tæknihúsið er alútboðsverk og er verktaki því með hönnun og verkframkvæmd á sínum snærum,“ segir Steinar Þór Bachmann verkefnastjóri á framkvæmdasviði Nýs Landspítala.

Starfsmenn Landspítala í heimsókn



Það var falleg haustbirta við heimsókn starfsmanna í heilbrigðistækni



Það var fríður hópur núverandi og fyrrverandi starfsmanna Landspítala sem skoðaði sig um á framkvæmdasvæðinu

Þann 4. nóvember komu starfsmenn sem starfa við heilbrigðistækni í heimsókn og fengu kynningu á verkefnum Nýs Landspítala hjá Gísla Georgssyni, verkefnastjóra. Að því loknu var farið í skoðunarferð um framkvæmdasvæðið undir leiðsögn Gísla Georgssonar og Ólafs Halldórssonar verkefnastjóra sem báðir starfa á tækni- og þróunarsviði.

Þann 16. nóvember komu nokkrir núverandi og fyrrverandi starfsmenn Landspítala í heimsókn og fengu kynningu á verkefnum Nýs Landspítala hjá Ingólfi Þórisssyni sviðsstjóra og Gísla Georgssyni, verkefnastjóra á tækni- og þróunarsviði. Að því loknu var farið í skoðunarferð um framkvæmdasvæðið undir stjórn Steinars Þórs Bachmann, verkefnisstjóra á framkvæmdasviði.

Heimsókn starfsmanna Nýs Landspítala í sjúkrahótelinu



Starfsmenn Nýs Landspítala á góðri stundu í sjúkrahótelinu

Fyrsta byggingaverkefni Nýs Landspítala var bygging sjúkrahótelsins sem hófst 2016 og lauk í janúar 2019 og hótelið afhent Landspítala. Í glæsilegu hótelinu eru 75 herbergi og afar glæsilegt og góð reynsla er af rekstri þess. Starfsmenn Nýs Landspítala þáðu á dögnum boð Sólrúnar Rúnarsdóttur hótelsstjóra hótelsins að skoða hótelið og var myndin tekin við það tækifæri.

Aksturstakmarkanir á Fífilsgötu




Aksturstakmarkanir eru á Fífilsgötu „Gamla Vatnsmýrarvegi“

Öll umferð fyrir utan strætisvagna, hópferðabíla og leigubíla er bönnuð á „Gamla Vatnsmýrarvegi,“ sem nú heitir Fífilsgata.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Alaskareitnum við Burknagötu / Póstfang: Pósthólf 20, 121 Reykjavík
Aðalnúmer 551 6010 / kt. 500810-0410 / postur@nlsh.is
